

SANJAYAS loquitur:

9. His verbis affatus Krishnam Arjunas, hostium vexator,
 »Haud pugnabo!« ita alloquutus Nomium, conticuit ille qui-
 10. dem. Hunc compellavit Krishnas, subridens quasi, o Bhâ-
 rata, in utriusque agminis intervallo, despondentem his
 verbis:

ALMUM NUMEN loquitur:

11. Non lugendos luctu prosequutus es, at convenientes sapien-
 tia sermones profers. Vita defunctos vel non defunctos lu-
 12. ctu non prosequuntur sapientes. Neque enim ego unquam
 non fui, nec tu, neque isti mortalium reges; neque est quando
 13. non futuri simus nos universi in posterum. Sicuti ani-
 mantis in hoc corpore est infantia, iuventus, senium, per-
 inde etiam novi corporis instauratio: cordatus heic non tre-
 14. pidat. Elementorum autem contactus, Kuntidis nate, fri-
 gus caloremve, voluptatem molestiamve praeberentes, recipro-
 15. cantes sunt ac fluxi: hos tu perfer, Bhârata. Quem hi non
 perturbant virum, o vir eximie, in voluptate ac molestia sibi
 16. parem, constantem, is ad immortalitatem conformatur. Quod
 vere non est, id fieri nequit ut existat; nec ut esse desinat,
 quod vere est: amborumque horum perspectum discrimen iis,
 17. qui rerum veritatem cernunt. Indelebile autem, hoc scias,
 est illud, a quo Universum hoc expansum: deletionem inex-
 18. hausti istius nemini efficere licet. Caduca haec corpora
 dicuntur, immutabili spiritu animata, indelebili atque im-
 19. menso: quare pugna, o Bhârata! Qui eum arbitratur occi-
 sorem, quive eundem censet occisum, hi ambo non recte in-
 20. telligunt; neque occidit ille, neque occiditur. Non nasci-
 tur moriturve unquam; non ille [exstitit, existitve, non ex-